

1605

DEO OPTIMO MAXIMO UNI ET TRINO, VIRGINI DEIPARÆ
ET SANCTO LUCÆ. ORTHODOXORUM MEDICORUM PATRONO.
Q U Æ S T I O M E D I C A.
QUODLIBETARIIS DISPUTATIONIBUS MANE DISCUTIENDA
IN SCHOLIS MEDICORUM, DIE JOVIS XXI. JANUARIi MDCCXVII.

M. URBANO LEAULTE, Doctore Medico, Præfide.

An qui fermentationis, ille & hominis naturam nescit?

QUISQUIS aut sapientiæ studio aut Medicinæ operam dedit, humani corporis scientiâ gloriatur. Quidni? puderet eum videri se ipsum nescire, à quo Naturæ totius cognitio expectatur. Sed quotusquisque eorum est qui præter aut visus aut tactus potestatem in eâ re excurrere cognoscatur? singularum corporis partium nomina vel merè latina, vel græco detorta fonte magnificè proferuntur; sua cuique facultas attribuitur, usus assignatur, omnium causa his illiusve qualitatibus, primis, secundis, tertiis, occultis accepta refertur. Has inter honos præcipuus habetur calor, qui in capite spiritus animales, vitales in corde, in ore, ventriculo, totâ alvo infusâ naturales præparare, elaborare, perficere perhibetur. O laudem egregiam! O ampla spolia! Aut varias opinionum species, velut ægri somnia, sibi in animum induxisse, aut dissectionis labore improbo id unum detexisse, quod vel nature rerum imperitissimus assequi possit. Hæc omnia aut non absurda, aut etiam vera sunt, quiquis sibi in detegendâ hominis naturâ docti famam comparare velit, progrediatur ulterius, & per obstantes scilicet catervas sua explicans arma, Naturæ sinui se immerget; ibi, quæ decem Philosophum, latentem physicam & efficientem omnium humani corporis functionum causam sedulo investigatur.

CORPORIS humani fabricam nosse, non superficialiam illam quidem, sed intimam, & cortice vel spississimo obvolutam alicujus pretii nec immerito haberi debet. Sed quantumlibet in ea quis versatus oculatusque sit, nihilo minus reputandus, dum variarum, quibus continuo exagitur, motionum causam reperit; quam si quis contemnat, rerum quidem sensibus subiectarum haberi poterit eximius explorator, in humane verò naturæ scientiâ parum aut nihil promovisse merito existimabitur. Hanc ut quis obtineat, ipsa eâ Naturæ principia adeunda sunt, non quælibet, sed certa quedam. Eorum triplex ordo potest constitui; omnium prima & simplicissima atomi habeantur, sola mentis acie perceptibiles; secundum occupent locum quæ resolutionis Chymicæ auxilio detecta sunt: postrema & compositissima terram, aquam, aerem & ignem putato. Primorum contemplatione parum in inquirendâ hominis naturâ utilitatis percipitur, ut quæ eâ exiguitate prædita sint, quam nulla assequi valeat sensatio vel exquisitissima. Ultima jure etiam contemni possunt, mixtorum naturæ magis quam principiorum affinita: Te confer ad ea potius que simplicitatis moderationem habent, spiritum scilicet, sal, sulphur, aquam & terram, in quæ corpora ferè omnia ignis beneficio ultimo resolvuntur. Hæc invicem tenacissimè conglutinata pace alissimâ perferruntur, datâ verò occasione explicata & sibi permixta pro iis, quas gerunt inter se, inimicitias, & diversis ad motum hac illuc propensionibus, mirum quâ sæpè exagitantur vehementiâ, quæ turbas concitent, verbo dicam, fermentationem exsuscitant, primam, præcipuam & efficientem, cum omnium Naturæ operum, tum etiam humani corporis functionum causam.

FERMENTATIONIS naturam, ejusque ad explicandâ Naturæ phænomena necessitatem aliundè quàm ab Hippocratis scholâ repetere inane est. Ejus prima origo & remotissima ab atomis; hæc variis ornate figuris, specie determinatis, numero indefinitis, & assiduo concitate motu, coactu inter se mutuo moles quasdam efformant exiguas, ægè omnino & rærenter solubiles; ab his invicem conglutinatis spiritus, sulphur, sal, aqua & terra enascuntur, sensibilia rerum omnium principia. In horum unoquoque seorsim posito nulla unquam perturbatio observatur, ex quibus enim constant molecule homogeneæ sunt, & eandem ad motum propensionem ac determinationem habent. His verò simul compositis, præ nris quo à se invicem separari natæ sunt, assiduo eoque diverso, se ipsis interdum, aliis fermenti alicujus extrinsecus occurrentis occasione datâ ad motum invitantur. Hic motus fermentatio appellatur. Diferat ab effervescentiâ; hæc ad solas corporis mixti partes integrantes pertinet, naturam ejus & essentiam non attingit, eamque duntaxat in eo mutationem creat, quæ tactis aut visis judicio discerni & explorari possit; illa motus est intestinus principiorum corporis naturæ, quo nexus eorum & ordo immutatur. Si à se invicem omnino diffideant, rem ipsam quam constituent destruit, aliam oritur necesse est. Si quadrantur duntaxat, ea solam contingit alteratio, quæ aliter gustum & olfactum quam antea afficit. Fermentationem nativæ atomorum & molecularum ex iis emergentium motui præcipuè adscribendam non mediocriter adjuvat ea salis species, quæ aciditatis sensum excitare nata est; principis corporis cujuslibet vel ad motum valde dispositis, vel jam nonnihil exagitationis immiscens sese, particularem quibus constat acie longè acutissimâ ea tundit, disceperit, & à se invicem contentione non levi discriminat. Calculum ponet quàm optime, qui fermentationi his fontibus natæ rerum omnium generationem, durationem, interitum tribuerit; hominis quoque, in quo quidquid virtutis corpore animadveritur, aut nescit, aut à fermentationis motu tanquam causâ primariâ, præcipuâ & efficiente repertî debere agnoscendum est.

NATURA omnis quanta quanta est, fermentationis in rerum omnium productione vim & potestatem præstat. Plantarum cui vegetatio, generatio animalium, lapidum, mineralium, metallorum debetur elaboratio. Atque hæc quidem probabilis est, ex humido certâ quâdam ratione fermentato, & coaguli salivæ cuiusdam fixi interveniente concrescente. Quamobrem veteres quidam Philosophi, inter quos Hippocrates, aquam cum humidum rerum omnium principium statuerunt. Quod si ad plantas te convertas, magis res patet, semen terre mandatum hauriens ab eâ profectus, & tenuissimâ, mobilissimâque quam sol suppediat materiâ, interitis exagitationum emollitur & debescit; accedit aqua pluvialis, ut variis salium referta generibus, sic ad movendam fermentationem aptissima. Hinc lobi explicantur, germinis fibrille panduntur, radices prodeunt, folia atolluntur. Hæc fermentationi dubitas esse tribuenda? Vide quanta eorum omnium facultas sit ad promovendam vegetationem apud quæ ampla salis volatilis copia observatur. Idem de animalibus existimato; vel homo cæteris longè antecellens, tantulæ rei debet quod nascatur. Muliebre semen ovi naturam præ se ferens quod prodest, nisi virilis accessione fecundetur? quod alio obtineri quam fermentationis nomine cæcus sit qui contendat? Equid enim eum in ovo muliebri semen vitile non moveat, quod tot venæ, arteriæ, nervi, vasa lymphatica, glandulæ spirituosum, spumofum & fermenti validissimi undequaque insignibus splendidissimis quasi delibutum suppediant. Hujus itaque appulsi feminis materni particule motu intestino exagitata, explicant se, tumultuantur, tandemque divincant, dum hominis tandem aliqua primùm species prius latens expromatur, ab eadem postmodum, à quâ originem duxit, fermentatione incrementum, ultimamque perfectione adeptura. Ad hæc qui ferò attendit, contumax sit, si ignorat motus hujus intestini naturâ ad accuratam humane naturæ cognitionem aut pervenisse se contendat, aut speret unquam usquam perventurum.

QUODCUMQUE in humano corpore obitur munus; fermentationis virtute absolvitur; coctiones procurat omnes, liquores quoque nativo caractere exornat, externis superflua: Ut se habet, vel nature votis consentiens, vel ab his aberrans, aut sanitate servat integram, aut morbum accersit, vel sub urroque casu eadem singularum partium configuratione & structurâ remanente; ut hæc causæ sine quâ stare non possumus, fermentatio efficientis & primariæ merito rationem obineat. Et certe quid referret ad Chylolium interiore ventriculi tunica compositi glandularum serie esse opletum; quæ cum incumbit, fibris omnigenis muscutorum vices sustinentibus esse intertextam. Venarum, arteriarum, nervorum, vasorum lymphaticorum furculos internum per totam ejus substantiam dispergi, si cessaret fermentatio, vel perperam & vitiosè obiret? Quin ipse chylus per venas arteriales distributus maxime naturam mutaret suam, nisi veteratibus qui admiscetur sanguis fermenti ei officium largiretur? Idem elio de reliquis succis hæc illuc-ve impulsu judicatio. Frustrâ hic ad calorem nullius apud nos, imò nec alibi usquam efficacis confugeris; nisi calor is nomine non nudam, quod tangitur ineptissimè attribuas. Has, mihi crede, omite naniâs, his deliramentis abstine. Si veram Philosophi & studiosi Naturæ indagatoris personam sustinere ac defendere velis, consule fermentationem; eâ detectâ Naturam tibi hujus mundi univerfam atque hominis singularem representabit: nihil te in vegetabilibus, nihil latebit in animalibus, eorum ortus, durationis, interitis causas dignosces; putrefactionum omnium, dissolutionum, præcipitationum, coagulationum deteges originem; verbo dicam, hominis quoque natura evadet perspicua, nullâ unquam usquam aliâ ratione penitus detegenda.

Ergo qui fermentationis, ille & hominis naturam nescit.

Domini Doctores disputaturi.

M. Henricus Besnier, Rei Herbariæ Professor.
M. Joannes Besse, Medicus Domus Regiæ.
M. Antonius de Jussieu, à Regiâ Scientiarum Academiâ, & Botanices in Horto Regio Parisiensis Professor.

M. Joann. Bapt. Silva, Serenissimi Borussia Ducis Medicus ordinarius.
M. Joannes Bapt. Thomas Martineau.
M. Joann. Henricus Imbert, à Regiâ Scientiarum Academiâ.

M. Philippus Caron.
M. Joannes Gelly.
M. Claudius Buriel, Regiæ Hispaniarum Medicus primarius.

Proponebat Parisiis CLAUDIUS DE LA VIGNE DE FRECHEVILLE, Parisinus, Baccalaureus Medicus, A. R. S. H. 1717. à sextâ ad meridiem.

Typis JACOBI QUILLAU, Universitatis & Facultatis Medicinæ
Typographi.